



სსიპ ლ. საყვარელიძის სახელობის დაავადებათა კონტროლისა და
საზოგადოებრივი ჯანმრთელობის ეროვნული ცენტრის გენერალური დირექტორის
ბ რ ძ ა ნ ე ბ ა



KA030609265744221

28 / აპრილი / 2021 წ.

თბილისი #06-73/თ


**„უქმე დღეების განსაზღვრის შესახებ“ საქართველოს მთავრობის 2021 წლის 16
აპრილის №175 დადგენილებით განსაზღვრული უქმე დღეების სსიპ - ლ.
საყვარელიძის სახელობის დაავადებათა კონტროლისა და საზოგადოებრივი
ჯანმრთელობის ეროვნულ ცენტრში დასაქმებულებზე არგავრცელების და
საქმიანობის განსხვავებული პირობების დადგენის თაობაზე**

„იზოლაციისა და კარანტინის წესების დამტკიცების შესახებ“ საქართველოს მთავრობის 2020 წლის 23 მაისის N322 დადგენილებით დამტკიცებული „იზოლაციისა და კარანტინის წესების“ მე-7 მუხლის მე-6 პუნქტისა და „საჯარო სამართლის იურიდიული პირის - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის დებულების დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2007 წლის 28 მარტის #107/ნ ბრძანებით დამტკიცებული დებულების მე-5 მუხლის მე-3 პუნქტის „გ“ ქვეპუნქტის საფუძველზე, „უქმე დღეების განსაზღვრის შესახებ“ საქართველოს მთავრობის 2021 წლის 16 აპრილის №175 დადგენილებით განსაზღვრულ უქმე დღეებში სსიპ - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნულ ცენტრში დასაქმებულთა საქმიანობის განსხვავებული პირობების დადგენის მიზნით,

ვ ბ რ ძ ა ნ ე ბ ა:

1. ქვეყანაში ეპიდემიოლოგიური სიტუაციის მართვის, სახელმწიფო ხელისუფლების განხორციელებისა და საზოგადოების ნორმალური ფუნქციონირების ხელშეწყობის მიზნით, სსიპ - ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის (შემდგომში-ცენტრი) კომპეტენციის ფარგლებში დაკისრებული ფუნქციების შეუფერხებელი/უნყვეტი განხორციელების უზრუნველსაყოფად, ცენტრში დასაქმებულ პირებზე არ გავრცელდეს „უქმე დღეების განსაზღვრის შესახებ“ საქართველოს მთავრობის 2021 წლის 16 აპრილის №175 დადგენილებით გამოცხადებული უქმე დღეები.
2. ცენტრის ყველა დასაქმებულს, საჭიროებიდან გამომდინარე, განესაზღვროს მუშაობის ინდივიდუალური რეჟიმი (უქმე, დისტანციური, არადისტანციური) კურატორის (გენერალური დირექტორის/გენერალური დირექტორის შესაბამისი მოადგილის) და/ან სტრუქტურული ქვედანაყოფის ხელმძღვანელის გადაწყვეტილებით.
3. დაევალოს ცენტრის ადამიანური რესურსების მართვის, საქმისწარმოების და პროფესიული განვითარების სამმართველოს (თ. ჟვანია) უზრუნველყოს ცენტრის დასაქმებულთა ინფორმირება აღნიშნული ბრძანების შესახებ.
4. ბრძანება ძალაშია 2021 წლის 4 მაისიდან და მოქმედებს 2021 წლის 11 მაისის ჩათვლით.
5. წინამდებარე ბრძანება შეიძლება გასაჩივრდეს ადმინისტრაციული წესით თბილისის საქალაქო სასამართლოს ადმინისტრაციულ საქმეთა კოლეგიაში (მის: ქ. თბილისი, დ. აღმაშენებლის ხეივანი №64), მისი გაცნობიდან ერთი თვის ვადაში.

გენერალური დირექტორი



ამირან გამყრელიძე